



Broj: 02-1-38-14387-2/18
Zenica, 23.10.2018. godine

ZENIČKO-DOBOJSKI KANTON
SKUPŠTINA KANTONA
N/R PREDSEDavajućEG SKUPŠTINE

Priloženo: 24.10.2018.			
Org. jed.	Broj	Prilog	Widovak
01-38	14387	1/18	

PREDMET: Odgovor na poslaničko pitanje, dostavlja se

U skladu sa članom 199. stav. 2 Poslovnika Skupštine Zeničko-dobojski kanton – Novi prečišćeni tekst (“Službene novine Zeničko-dobojskog kantona”, broj: 7/12 i 12/13), u prilogu Vam dostavljamo odgovor Ministarstva za obrazovanje, nauku, kulturu i sport, na poslaničko pitanje poslanika u Skupštini Zeničko-dobojskog kantona, gospodina Lemeš Samira, postavljenog na 66. sjednici Skupštine Zeničko-dobojskog kantona, a u vezi mogućnosti produženja akreditacije Univerzitetu u Zenici odlukom Vlade Kantona, kako bi se izbjegao pravni vakum do donošenja konačne odluke Agencije za visoko obrazovanje i osiguranje kvaliteta BiH.

S poštovanjem,

Prilog:
- kao u tekstu

Dostavljeno:
1x Naslovu,
1x a/a.



SEKRETAR
PO OVLAŠTENJU

Haris Hrgić



Broj : 10-38-14387-1/18.
Zenica, 18.10.2018. godine

22-10-2018

Vlada Zeničko-dobojskog kantona

Stručna služba Vlade

N/r premijera

N/r sekretara

Predmet : Odgovor na poslaničko pitanje, dostavlja

U vezi sa aktom Stručne službe Vlade Kantona, broj: 01-38-14387/18., od 19.09.2018. godine, u kojem je tražen odgovor-izjašnjenje resornog ministarstva na poslaničko pitanje, postavljenu, na 66., sjednici Skupštine Zeničko-dobojskog kantona, od 17.09.2018. godine, od strane poslanika *Samira Lemeša*, a vezano za pokretanje postupka reakreditacije JU Univerzitet u Zenici, u prilogu Vam dostavljamo izjašnjenje resornog ministarstva, na Vaše dalje postupanje.

S poštovanjem,

DOSTAVLJENO:

1 x Naslovu

2 x a/a-01/02/.



MINISTAR

Mensur Sinanović

Na postavljeno poslaničko pitanje, na 66., sjednici Skupštine Zeničko-dobojskog kantona, od 17.09.2018. godine, od strane poslanika Samira Lemeša, a vezano za pokretanje postupka reakreditacije JU Univerzitet u Zenici, Ministarstvo za obrazovanje, nauku, kulturu i sport Zeničko-dobojskog kantona, daje sljedeći odgovor:

Razmatrajući podnesenu poslaničku inicijativu uvaženog poslanika iz dijela utvrđenih i propisanih zakonskih nadležnosti, ovaj organ kantonalne uprave želi naglasiti činjenicu da su se ova važna pitanja, u prethodnom periodu, više puta razmatrala, (zajedno sa organima i tijelima JU Univerzitet u Zenici, nakon čega je resorno ministarstvo zauzelo stajalište da u slučaju nepokretanja procedure reakreditacije navedne visokoškolske ustanove od strane **Agencije za razvoj visokog obrazovanja i osiguranje kvaliteta BiH**, (HEA BiH), privremenim rješenjem produži važenje prethodne institucionalne akreditacije JU UNZE-i čiji je i osnivač Zeničko-dobojski kanton, sve do okončanja ponovljene propisane procedure od strane HEA- BiH kao jedine nadležne institucije za procese akreditovanja visokoškolskih ustanova u BiH. S tim u vezi, Ministarstvo je dana 25.09.2018. godine, državnoj Agenciji uputilo dopis, broj: 10-38-14393-1/18., (**vidjeti u prilogu**), u kojem su jasno obrazložena polazna stajališta o mogućem postupanju ovog organa kantonalne uprave u svim nastalim okolnostima, pravno-relevantnim za pitanja rekreditacije ove značajne visokoškolske ustanove čiji je rad odnosno nesmetano funkcionisanje, od posebnog interesa za Zeničko-dobojski kanton.

Kako je na navedeni dopis, dana 15.10.2018. godine, zaprimljen odgovor, odnosno Obavijest HEA- BiH, broj: 06-33-1-433-2/18., (**vidjeti u prilogu**), a u kojem direktor Agencije navodi određene razloge objektivne prirode, vezane za neusaglašenost dokumenata za provođenje institucionalne akreditacije koji ukupno gledano i uzrokuju nemogućnost primjene utvrđenih standarda u Odluci o normama iz 2011. godine, sa kriterijima iz 2016. godine, odnosno provođenja postupka akreditacije/reakreditacije prema zahtjevima ESG 2015, ovaj organ kantonalne uprave je privremeno obustavio aktivnosti na jednostranom produženju roka važenja prethodne akreditacije JU UNZE-i, koja je u međuvremenu, (u tekućem mjesecu), istekla. Pri tome, u obzir smo uzeli dato obrazloženje iz odgovora-Obavijesti Agencije, kao i upućeni poziv direktora Agencije za razumijevanjem objektivno nastalih okolnosti o kojima su već obaviještene sve nadležne institucije i šira društvena javnost, uz naglašeno očekivanje menadžmenta Agencije da se ova pitanja zaista i riješe u skladu sa njihovim dostavljenim prijedlozima. Stoga je ovaj organ kantonalne uprave zauzeo stajalište da se privremeno odustane od donošenja bilo kakvih jednostranih akata, te da se u ovom trenutku, ostavi dovoljno vremena Agenciji da u propisanim procedurama donese-usvoji potrebne usaglašene provedbene akte a sve sa ciljem početka procesa reakreditacije JU UNZE-i koji je već ispunio sve propisane uvjete-zahtjeve za institucionalnom reakreditacijom.

S poštovanjem


MINISTAR
Mensur Sinanović



Broj: 01-38-44587/18
Zenica, 19.09.2018. godine

02/1
04/1
HITNO

**MINISTARSTVO ZA OBRAZOVANJE, NAUKU, KULTURU
I SPORT ZENIČKO-DOBOJSKOG KANTONA, n/r ministra**

PREDMET: Odgovor na poslaničko pitanje, traži se

Na 66. sjednici Skupštine Zeničko-dobojskog kantona održanoj 17.09.2018. godine, poslanik **Samir Lemeš** je u okviru predtačke dnevnog reda: „Postavljanje poslaničkih pitanja i pokretanje inicijativa“, postavio pitanje u vezi mogućnosti produženja akreditacije Univerzitetu u Zenici odlukom Vlade Kantona, kako bi se izbjegao pravni vakum do donošenja konačne odluke Agencije za visoko obrazovanje i osiguranje kvaliteta BiH.

Molimo da shodno članu 199. stav 2. Poslovnika Skupštine Zeničko-dobojskog kantona – Novi prečišćeni tekst ("Službene novine Zeničko-dobojskog kantona", broj: 7/12, 12/13 i 10/18), u roku od 15 dana od dana prijema ovog akta, predsjedavajućem Skupštine dostavite odgovor na poslaničko pitanje, te ukazujemo na nužnost poštivanja ostavljenog roka propisanog Poslovníkom Skupštine za dostavu traženog odgovora.

S poštovanjem!

SEKRETAR
Ibrahim Avdagić

PRILOG: dio transkripta sa 66. sjednice Skupštine u kome je sadržano pitanje poslanika Lemeša

Dostavljeno:

- 1x Naslovu
- 1x Vladi Kantona
- 1x U predmet / 05-03



SAMIR LEMEŠ

Ja ću iskoristiti poslovničku mogućnost da postavim pitanje za Ministarstvo obrazovanja, nauke, kulture i sporta, a tiče se ove inicijative koje je kolega Plančić predložio. Inicijativa će vjerovatno biti prihvaćena i krenut će to prema državnoj agenciji.

Međutim mi sad imamo pravni vakum i tražili smo...koliko ja znam da je već pokrenuto pitanje produženja prvobitne akreditacije koja je izdata na četiri godine na Univerzitetu da se ona produži jednom odlukom Vlade kako bismo izbjegli taj pravni vakum da ne bi mi sad zbog čekanja odluka na višem nivou onoga što ću uraditi agencija. Ja znam da je pokrenuto to, interesuje me možemo li očekivat da će se to, onaj brzo desiti. Ako može usmeni odgovor od ministra, pošto je tu.



02

Broj : 10-38-14393-1/18.
Zenica, 25.09.2018. godine

Agencija za razvoj visokog obrazovanja i osiguranje kvaliteta Bosne i Hercegovine
n/r direktora

Predmet : Obavijest dostavlja, postupanje, traži se

Poštovani,

U vezi sa prethodnim zahtjevima i urgencijama podnesenim od strane JU Univerzitet u Zenici, za pokretanjem procedure reakreditacije ove visokoškolske ustanove čiji je osnivač Zeničko-dobojski kanton, u prilogu Vam dostavljamo i podnesenu poslaničku inicijativu na 66. Sjednici Skupštine Kantona, od 17.09.2018. godine, a u kojoj se traži Odgovor odnosno postupanje po podnesenim zahtjevima JU Univerzitet u Zenici, kako od strane ovog organa kantonalne uprave, tako i od Agencije za razvoj visokog obrazovanja i osiguranje kvaliteta Bosne i Hercegovine, svako u okvirima svojih nadležnosti.

S obzirom na činjenicu da je riječ o obrazloženoj poslaničkoj inicijativi na koju je neophodno dati tražena očitovanja, istu Vam dostavljamo na Vaše nadležno postupanje, odnosno izjašnjenje prema Skupštini Zeničko-dobojskog kantona. Pri tome ističemo naš prethodno zauzeti stav da se u postupanju prema podnesenim zahtjevima JU Univerzitet u Zenici, treba primjenjivati važeći propis i propisane procedure sve dok se isti ne izmjeni ili ne stavi van snage. S tim u vezi napominjemo da će ovaj organ kantonalne uprave, a sve sa ciljem očuvanja javnog interesa Zeničko-dobojskog kantona u oblasti visokog obrazovanja kao i pravne sigurnosti JU Univerzitet u Zenici (*kao jedine visokoškolske ustanove na ovom području*), ali i naših studenata odnosno svih zainteresovanih trećih lica, sa svoje strane preduzeti sve potrebne mjere, uključujući i donošenje privremenog rješenja o produženju važenja roka prethodne akreditacije, sve do okončanja ponovljene procedure putem Agencije za razvoj visokog obrazovanja i osiguranje kvaliteta Bosne i Hercegovine, u skladu sa ponovljenim zahtjevima za reakreditacijom ove značajne visokoškolske ustanove.

Stoga, a imajući u vidu naprijed navedeno činjenično-pravno stanje, molimo Vas da u okviru Vaših nadležnosti, kao i raspoloživih zakonskih ovlaštenja, preduzmete potrebne mjere i aktivnosti po ovim važnim pitanjima istaknutim i u podnesenoj poslaničkoj inicijativi, te da o Vašem zauzetom stajalištu blagovremeno obavijestite, kako ovo ministarstvo, tako i Skupštinu Zeničko-dobojskog kantona kao osnivača JU Univerzitet u Zenici.

S poštovanjem,

DOSTAVLJENO:

1 x Naslovu,
1 x Stručna služba Skupštine ZDK-a (za informaciju),
1 x Rektor u JU Univerzitet u Zenici,
2 x a/a-01/02/04/05.

MINISTAR
Mensur Sinanović

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбеђивање квалитета
Босне и Херцеговине
Бања Лука

02 8249
09
UNZG-

Agency for Development of Higher Education and Quality Assurance of Bosnia and Herzegovina 14459

Broj: 06-33-1-433-2/18
Banja Luka, 12.10.2018. godine

BOSNA I HERCEGOVINA
Federacija Bosne i Hercegovine
Zeničko-dobojski kanton
Ministarstvo za obrazovanje,
nauku, kulturu i sport
Kučukovići br. 2
72 000 Zenica

PREMET	15-10-2018	Broj priloga
Org. jed.	10-38-14393-1/18	

PREDMET: Obavijest, dostavlja se

Veza: vaš akt broj: 10-38-14393-1/18 od 25.09.2018. godine

Poštovani,

Vašim dopisom, broj i datum veze, obavještavate Agenciju za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) o podnesenoj poslaničkoj inicijativi u vezi sa postupkom reakreditacije Univerziteta u Zenici. Također, podsjećate na prethodno zauzeti stav da se u postupanju prema podnesenim zahtjevima JU Univerzitet u Zenici treba primjenjivati važeći propis i propisane procedure sve dok se isti ne zamijeni ili ne stavi van snage.

Kao što vam je već poznato, postupak akreditacije/reakreditacije visokoškolskih ustanova u Bosni i Hercegovini provodi se u skladu sa Okvirnim zakonom o visokom obrazovanju u Bosni i Hercegovini, kriterijima za akreditaciju visokoškolskih ustanova u Bosni i Hercegovini i Odlukom o normama kojima se određuju minimalni standardi u području visokog obrazovanja u Bosni i Hercegovini te na osnovu zakona i podzakonskih akata nadležnih obrazovnih vlasti koji su usklađeni sa Okvirnim zakonom o visokom obrazovanju u BiH i dokumentima Agencije.

Nadalje, Agencija je 2016. godine donijela nove kriterije za akreditaciju usklađene sa Standardima i smjernicama za osiguranje kvaliteta u visokom obrazovanju (ESG 2015). Također, Agencija je 2016. godine izradila prijedlog nove Odluke o normama kojima se određuju minimalni standardi u području visokog obrazovanja u BiH koji je također usklađen sa ESG 2015, ali navedeni dokument Upravni odbor Agencije nije usvojio.

Svjesni složenosti nastale situacije za sve visokoškolske ustanove u Bosni i Hercegovini u smislu provođenja postupka akreditacije/reakreditacije, stručne službe Agencije su izvršile analizu kompatibilnosti dokumenata Odluka o kriterijima za akreditaciju visokoškolskih ustanova ("Službeni glasnik BiH", broj: 96/16) i Odluka o normama kojima se određuju minimalni standardi u području visokog obrazovanja ("Službeni glasnik BiH", broj: 100/11). Podsjećamo da su standardi koji su propisani u Odluci o normama iz 2011.godine kreirani i usaglašeni sa Standardima i smjernicama za osiguranje kvaliteta u Evropskom prostoru visokog obrazovanja iz 2005.godine (ESG 2005), a kriteriji iz Odluke o kriterijima iz 2016.godine su

usaglašeni sa Standardima i smjernicama za osiguranje kvaliteta u Evropskom prostoru visokog obrazovanja iz 2015. godine (ESG 2015).

Pomenutom analizom utvrđene su znatne neusaglašenosti navedenih dokumenata koje se ogledaju u nemogućnosti primjene standarda koji su sadržani u Odluci o normama iz 2011.godine sa kriterijima iz 2016.godine, u odnosu na koje se, osim u broju, razlikuju i u sadržaju zahtjeva koje visokoškolske ustanove trebaju ispuniti kako bi dokazale dostizanje odgovarajućeg nivoa funkcionisanja unutrašnjeg sistema osiguranja kvaliteta. Navedena analiza bit će predstavljena Upravnom odboru Agencije na narednoj sjednici.

Uvažavajući navedeno, a sve u smislu iznalaženja rješenja za pokretanje postupaka institucionalne akreditacije i reakreditacije visokoškolskih ustanova smatramo da bi svaki pokušaj primjene Odluke o kriterijima za akreditaciju visokoškolskih ustanova iz 2016. sa Odlukom o normama iz 2011.godine za rezultat moglo imati nemogućnost provođenja postupka akreditacije/reakreditacije prema zahtjevima ESG 2015, kao i realizacije ciljeva iz Prioriteta za razvoj visokog obrazovanja u BiH za period 2016. - 2026. ("Službeni glasnik BiH", broj: 35/16) prema kojima Agencija ima odgovarajuće obaveze. Također, takvo postupanje bi neminovno proizvelo improvizacije u postupcima akreditacije koje bi se odrazile na ishode postupaka akreditacije i reakreditacije visokoškolskih ustanova, a što je suprotno zahtjevima postavljenim u oblasti osiguranja kvaliteta u Evropskom prostoru visokog obrazovanja čiji je neizostavni dio i visoko obrazovanje Bosne i Hercegovine.

Zbog naprijed navedenog smatramo da nije moguće postupiti na način izražen u vašem stavu, odnosno primijeniti važeću Odluku o normama u postupku reakreditacije Univerziteta u Zenici.

Podsjećamo da je Agencija počev od jula 2016. godine na svakoj od sjednica Upravnog odbora predlagala kao tačku dnevnog reda razmatranje i usvajanje Odluke o normama. Iako je Agencija uvažavala svaki prijedlog i realizirala sve zaključke Upravnog odbora u vezi sa navedenim, Upravni odbor Agencije nije usvojio navedeni dokument što je dovelo do, sada već, zabrinjavajuće situacije u oblasti akreditacije/reakreditacije visokoškolskih ustanova na cijelom prostoru Bosne i Hercegovine.


Agencija je svjesna problema sa kojima su suočene visokoškolske ustanove kojima je istekao period važenja prethodne akreditacije, kao i činjenice da visokoškolske ustanove ne snose krivicu za nastalu situaciju te da su ispunile sve potrebne zahtjeve za pokretanje postupka reakreditacije. Ovim putem pozivamo na razumijevanje da je Agencija trenutno limitirana u svome postupanju u postupcima akreditacije zbog naprijed navedenih razloga.

Agencija je o svemu navedenom već obavijestila sve zainteresirane strane, širu javnost, vijeće ministara Bosne i Hercegovine i Parlamentarnu skupštinu Bosne i Hercegovine te će i dalje ulagati sve napore i nastaviti sa aktivnostima u vezi sa usvajanjem Odluke o normama kako bi se postupak akreditacije/reakreditacije visokoškolskih ustanova u Bosni i Hercegovini što prije omogućio.

S poštovanjem,

Dostaviti:

1. Naslovu,
2. Sektorima 05 i 06,
3. arhivi



DIREKTOR

Prof. dr. Enver Halilović

www.hea.gov.ba, e-mail: info@hea.gov.ba

BA – 78000 Banja Luka, Akademika Jovana Surutke 13, Tel.: +387 51 430 510, Fax: +387 51 462 302

usaglašeni sa Standardima i smjernicama za osiguranje kvaliteta u Evropskom prostoru visokog obrazovanja iz 2015. godine (ESG 2015).

Pomenutom analizom utvrđene su znatne neusaglašenosti navedenih dokumenata koje se ogledaju u nemogućnosti primjene standarda koji su sadržani u Odluci o normama iz 2011.godine sa kriterijima iz 2016.godine, u odnosu na koje se, osim u broju, razlikuju i u sadržaju zahtjeva koje visokoškolske ustanove trebaju ispuniti kako bi dokazale dostizanje odgovarajućeg nivoa funkcionisanja unutrašnjeg sistema osiguranja kvaliteta. Navedena analiza bit će predstavljena Upravnom odboru Agencije na narednoj sjednici.

Uvažavajući navedeno, a sve u smislu iznalaženja rješenja za pokretanje postupaka institucionalne akreditacije i reakreditacije visokoškolskih ustanova smatramo da bi svaki pokušaj primjene Odluke o kriterijima za akreditaciju visokoškolskih ustanova iz 2016. sa Odlukom o normama iz 2011.godine za rezultat moglo imati nemogućnost provođenja postupka akreditacije/reakreditacije prema zahtjevima ESG 2015, kao i realizacije ciljeva iz Prioriteta za razvoj visokog obrazovanja u BiH za period 2016. - 2026. ("Službeni glasnik BiH", broj: 35/16) prema kojima Agencija ima odgovarajuće obaveze. Također, takvo postupanje bi neminovno proizvelo improvizacije u postupcima akreditacije koje bi se odrazile na ishode postupaka akreditacije i reakreditacije visokoškolskih ustanova, a što je suprotno zahtjevima postavljenim u oblasti osiguranja kvaliteta u Evropskom prostoru visokog obrazovanja čiji je neizostavni dio i visoko obrazovanje Bosne i Hercegovine.

Zbog naprijed navedenog smatramo da nije moguće postupiti na način izražen u vašem stavu, odnosno primijeniti važeću Odluku o normama u postupku reakreditacije Univerziteta u Zenici.

Podsjećamo da je Agencija počev od jula 2016. godine na svakoj od sjednica Upravnog odbora predlagala kao tačku dnevnog reda razmatranje i usvajanje Odluke o normama. Iako je Agencija uvažavala svaki prijedlog i realizirala sve zaključke Upravnog odbora u vezi sa navedenim, Upravni odbor Agencije nije usvojio navedeni dokument što je dovelo do, sada već, zabrinjavajuće situacije u oblasti akreditacije/reakreditacije visokoškolskih ustanova na cijelom prostoru Bosne i Hercegovine.

Agencija je svjesna problema sa kojima su suočene visokoškolske ustanove kojima je istekao period važenja prethodne akreditacije, kao i činjenice da visokoškolske ustanove ne snose krivicu za nastalu situaciju te da su ispunile sve potrebne zahtjeve za pokretanje postupka reakreditacije. Ovim putem pozivamo na razumijevanje da je Agencija trenutno limitirana u svome postupanju u postupcima akreditacije zbog naprijed navedenih razloga.

Agencija je o svemu navedenom već obavijestila sve zainteresirane strane, širu javnost, vijeće ministara Bosne i Hercegovine i Parlamentarnu skupštinu Bosne i Hercegovine te će i dalje ulagati sve napore i nastaviti sa aktivnostima u vezi sa usvajanjem Odluke o normama kako bi se postupak akreditacije/reakreditacije visokoškolskih ustanova u Bosni i Hercegovini što prije omogućio.

S poštovanjem,

Dostaviti:

1. Naslovu,
2. Sektorima 05 i 06,
3. arhivi



DIREKTOR

Prof. dr. Enver Halilović